

EWOR MAROÑ AN JISŌS IOON LOJET IM IOON TIMON RO

Köttöpar ko an katak in:

- Kwaļok bwe armej re bane elōñ men, elaptata lomoḡor.
- Kwaļok bwe je maroñ tōmak Jisōs aolep iien.
- Kwaļok bwe ewor maroñ an Jisōs ioon aolep men, bwe E Ri Kōmman.
- Kwaļok bwe Jisōs wōt e maroñ lomoḡoren armej im kötlök er jān kajoor an Setan.

Melele ko reļap ilo katak in:

- Jen lo bwe Jisōs ej Irooj ioon aolep men ilo laļ in.
- Jen lo bwe je bane elōñ men, ak aolep kajoor ej ippān Jisōs.
- Jen lo bwe Setan ej dike kōj im kōḡaan kōkkure kōj.
- Jen lo bwe Jisōs wōte maroñ kötlök kōj jān kajoor an Setan im jerḡowiwi.

Emōj ke aḡ iioon juon jorrāan me kwaar bane? Elōñ iien jej iioon jet men je bani. Je ban kabōjrak an wōt, im je ban kōmman bwe en wōt. Je ban kabōjrak an ibwijtok ak an aļ tulok. Je ban kabōjrak an armej kananaik kōj.

Ewor ke juon men me Irooj e bane? Ejjeļok.

Ilo Kallimur Mokta jaar lo ruo melele ko reļap. Juon, armej re bani aolep men. Re bane wānōk. Raar kōkkuri kien ko an Anij jān jinoin laļ in lik tak. Renaaj kate er im mōk, a re jab maroñ in kajimweik aer bōd. Re jab maroñ in make karreoik er.

Melele eo eļap kein ka ruo ej bwe Anij wōt e maroñe men otemjej. Kallimur Mokta ej kwaļok bwe armej ejjeļok aer kōjatdikdik ñe rej atartar ioon kajoor eo aer make. Kwōn baj lōmḡak kōn aolep bwe-bwenato ko emōj aḡ roñjake ilo Kallimur Mokta - Noa, Ebream, Moses, Devid, Samson, ro Nejin Israel- im kwō naaj lo ban eo eļap an armej im maroñ eo eļap an Anij.

Wāween in eļap ej kein katakin kōj kōn wāween lomoḡor an Anij. Jej lo ejja wāween in wōt ilo ad itok ñan Kallimur Ekāal. Mour eo an Jisōs ear kwaļok maroñ eo eļap an Anij. Ear barāinwōt kwaļok ban eo eļap an armej. Juon iien Jisōs ear jiroñ kōto im lojet. Bwebwenato in ej kwaļok ñan kōj maroñ eo eļap an Jisōs, im ban eo eļap an armej.

1. Rū kaļoran Jisōs raar bane kōto eo.




Mark 4:35-37 Im ilo raan eo, ke e jota, Ej ba ñan er, “Jen ilok ñan loḡalo jab uweo.” [36] Im rej ilok jān jar eo, im ektak E wōt ke Ej pād i wa. Im bar jet wa Ippān. [37] Im e buñ ñat, im ḡo ko rej juur ioon wa eo, innām elōn.

Jisōs ear mōk kōn An katakin armej aolepen raan eo. Ear jiroñ rū kaļoran bwe ren jerakļok ñan bar juon jikin. Ilo iien aer jerak, Jisōs ear jino An kiki. Ilo iien An kiki juon kōto eļap ear waļok.

Emōj ke aḡ pād ilo juon waan lojet ke e nana lañ? Eļañne aet, innām kwō melele kōn wāween an rū

kaḷoran Jisōs lōmṇak.

Kwōj tōmak ke bwe rū jelōk ro raar ebbeer ilo ejja second eo im kōto eo ear jino an waḷok? Bōlen raar jab. Raar ri eḷnōd. Raar minene kōn lojet. Ilo jinoin an lap kōto im ṇo raar kate er joñan wōt aer maroñ. Āindein elōñ armej ilo raan kein. Rej lōmṇak bwe ewor aer maroñ in make kawānōk er. Rej lōmṇak bwe re maroñ marry, im joḷok aer kadek im jikka, im re maroñ pukot bwe juon ri kaki en jare er im bwe renaaj wānōk kōn aer kōmṇan men kein. Ak rej aikuḷ kile bwe re bane wānōk an Anij jekdoḷon eḷañne rej kōmṇan men kein. Rū kaḷoran Jisōs raar bane kōto im ṇo. Raar reilok ñan Eo wōt im ear maroñ in jipañ er. Raar reilok ñan Jisōs.



2. Jisōs ear kiki.



Mark 4:38 Im Ej pād i loḷwan wa eo, im kiki ioon pitōn; im rej koḷuj E im ba ñan E, “Ri Kaki, Kwō jab lōmṇak kōn am jako ke?”

Meñe Jisōs ej Anij, Ej barāinwōt armej. Ear kanooj mōk, im meñe e nana lojet, Ear kiki. Jisōs ear lōmṇak kōn ro rū kaḷoran ke? Aet. Ren kar jab kajjitōk Ippān men in, bwe ren kar jeḷā bwe Ear lōmṇak kōn er.

3. Jisōs ear kauwe kōto im lojet.

- * ***Jisōs ej Anij.***
- * ***Anij e kajoor jān aolep.***
- * ***Anij e jeḷā men otemjej.***

Jisōs e maroñ kōmṇan ta kōn an nana lañ? Eḷoj an Jisōs kemour ro re nañinmej im joḷok tiḷon jān armej, ak ewor ke An maroñ ioon kōto im lojet?



Mark 4:39 Im Ej jerkak im kauwe kōto im ba ñan loḷalo, “Kwōn jab maḷūtkūt, kwōn lur.” Im kōto e jako, im eḷap lur.

Wōn eo e maroñ kauwe kōto im lojet eḷañne ejab Eo im Ear kōmṇan kōto im lojet? Baibōl ej jiroñ kōj bwe Jisōs ej Anij. Jisōs ear kōmṇan men otemjej.

Ejab Jisōs juon anij ettā jān anij eo Jemān. Ejab Jisōs men in kōmṇan mōktata an Jeova Anij. Jisōs im Jemān rej juon wōt Anij!

Ilo jinoin laḷ in, wōn ear ba ñan lojet bwe en eḷmakūt bwe en waḷok āne e mōrā? Anij. Wōn ear kapelḷok Loḷalo e Būrōrō bwe ro ri Israel ren deḷok e im en jab tutu neir? Anij. Aolep men rej pād iumwin kajoor an Anij, bwe Ear kōmṇan men otemjej.



Jon 1:3 Ear kōmman men otemjej, im ejjelok men eo Ear jab kōmmane, men eo emōj kōmmanmane.

Men ko kwōj kōmmani rej aṃ, im aṃ pepe men eo kwōj kōmmane kōn men kaṃ. Lojet im armej rej an Jisōs bwe Ear kōmman aolep. Kōto eo im ṇo ko raar aikuj bōjrak ke Jisōs ear ba kōnke rej an Jisōs.



Mark 4:40 Im E ba ṇan er, “Etke komij lōṇṇōṇ im āinwōt? Kom jaṇin tōmak ke?”

Jisōs ear kajjitōk ippān ro rū kaḷoran etke raar jab tōmak E. Raar meḷokḷok bwe Anij ej lo men otemjej aolep iien, im ewor An maroṇ ioon men otemjej.



Mark 1:41 Im eḷap aer mijak im ba ṇan doon, “Wōn armej in bwe kōto im lojet rej pokake E?”

Emōj an rū kaḷor ro lo Jisōs kemour armej im joḷok tiṃon, ak rej kab lo An kōmman kain in!

4. Ḷeo e tiṃonṃon

*** Armej rej ri jerōwiwi. Ej aikuj Anij bwe e jab maroṇ make ḷomṃoren e.**



Mark 5:1-4 Im rej itok ṇan loṃalo jab uweo ṇan āne eo an ri Gerasa. [2] Im ke Ej to jān wa eo, e mōkaj an juon armej ioon E jān wūliej ko, im jetōb ettoon mōk ṇa ānbwinnen. [3] Ej jokwe ilo wūliej ko, im ejjelok armej e maroṇ in liāpe jab kōn chain, [4] Bwe elōṇ alen aer liāpe kōn shackle ko im chain ko, im chain ko ear ṇwijkōki, im shackle ko ear rupe, im ejjelok armej e maroṇ bwe en kawiek e.

Ḷein ear jab maroṇ kōtḷok e make jān kajoor an jetōb ettoon rein. Emōj an armej kajjioṇ in liāpe kōn chain ko, ak joṇan an kajoor tiṃon ro, raar tuṃwi chain ko. Ḷeo ear jokwe ilo wūliej ko.

- Ejjelok men ear maroṇ in kōmmane ṇan make kōtḷok e jān wāween in.
- E kar ejjelok an kōjatdikdik.

Bōlen jej read bwebwenato in im būromōj kōn Ḷeo, im je mōṇōṇō bwe e jab āindein kōj. Bōtab, aolep ro rej ḷotak ilo laḷ in rej iuṃwin kajoor an Setan, im ejjelok maroṇ in kōtḷok er jān kajoor eo an. Ejjelok aer kōjatdikdik ṃae iien Jisōs ej kanemkwōj er.

Setan e kōṇaan wōt kōkkure armej.



Mark 5:5 Im iien otemjej, boṇ im raan, ioon toḷ ko im ilo wūliej ko, ej lamōj im make bukwe kōn dekā ko.

Joṇan an Setan kōkkure armej eo, ear kajjioṇ in make kōkkure e. Elōṇ armej rej kajjioṇ in make bōk aer mour. Jet rej pād iuṃwin kajoor an dān in kadek ak uno ko re kajoor im rej aṅūr im jab maroṇ oktak jān men kein. Setan e kōṇaan bwe ren ḷōmṃak bwe ejjelok aer kōjatdikdik. Mool ke ejjelok aer kōjatdikdik? Ilo er make, aet, ak ewor kōjatdikdik ilo Kraist.



Jon 3:16 Bwe kōn an Anij yokwe laļ, Ear letok juon wōt Nejin Ear keotak, bwe jabdewōt eo ej lōke E en jab jako, a en mour indeeo.

Jisōs e kōṇaan leļok mour ekāāl ṇan armej, āinwōt An kar ba ṇan Nikodimōs. Jekḏoṇ eļāñne juon armej ej ri utiej in kabuñ, āinwōt Nikodimōs, ak ri tiṇonṇon ilo wūliej ko, ej aikuj Anij. Aolepeir rej iuṇwin kajoor an jerōwiwi, im ejjeļok aer make maroñ in kowānōk er.

5. Tiṇon ro raar jeļā kajjen Jisōs.



Mark 5:6,7 A ke ej lo Jisōs ettoļok, ej ettōr im kabuñ ṇan E. 7 Im ej lamōj kōn eļap ainikien im ba, “Ta Ippaṇ im ippa, Kwe Jisōs Nejin Anij e Utiejtata? Ij akweļap ṇan Eok kōn Anij, Kwōn jab kaeñtaan eō!”

Tiṇon ro raar jeļā bwe Jisōs, Nejin Anij, ear kōṇanṇan er. Raar jeļā bwe ewor An maroñ ioer, im E maroñ kajeik er kiiō wōt kōn An jilkinļok er ṇan loṃalo in kijeek.

Anij ej Irooj ioon men otemjej, im E maroñ kōṇṇan jabdewōt men E kōṇaan. Ñe ej itok iien eo im eṃōj an Anij pepe kake, Enaaj joļok aolep tiṇon ilo loṃalo in kijeek.

6. Jisōs ear jiroñ tiṇon ro bwe ren diwōjļok jān leo.



Mark 5:8,9 Bwe Ear ba ṇan e, “Kwōn jutakļok jān armej ñe, kwe jetōb ettoon.” Im Ej kajjitōk ippān, “Etaṇ?” Im e uwaak im ba, “Eta in Lijiōn, bwe kōm lōñ.”


Ewor bwijen tiṇon ilo laļ in. Setan ej irooj eo aer.



Mark 5:10 Im eļap an akweļap ṇan E, bwe En jab jilkinļok er jān āne eo.

Tiṇon ro raar jeļā bwe raar jab maroñ juṃae Jisōs, Ri Kōṇanṇan eo aer. Ewor maroñ an Jisōs ioon aolep men im Setan im aolep tiṇon. Tiṇon ro raar jeļā bwe juon raan Jisōs enaaj koḱkure er.

E bwebwe in lōṃṇak bwe je maroñ juṃae Anij im kōṇṇan wōt ankilaad. Ewor An maroñ iod kōnke Ear kōṇanṇan kōj. Eļāñne je jab kōttāik kōj ṇan Anij, innām juon raan Enaaj joļok kōj ilo loṃalo in kijeek ippān Setan im tiṇon ro an.



7. Tiṇon ro raar deļoñ ilo jet piik.



Mark 5:11-14 Im ijo ioon toļ eo, bwijin piik eļap rej ṃōñā. [12] Im tiṇon ro otemjej rej akweļap ṇan E, “Kwōn jilkinļok kōm ṇan ilowaan piik ko, bwe kōmin deļoñ ilo er.” [13] Im Ej kōtļok er. Im jetōb ettoon ro rej jutakļok im deļoñ ilowaan piik ko; im bwijin piik ko, rej kanooj ettōrlaļ loḱ ijo e jirūṃle ṇan lojet, oraer e nañin ruo toujin, im rej maļoñ i lojet. [14] Im ro rej naajdik piik ko re ko im kōnnaanōk ro rej pād ilo jikin kweilok eo im

ilujen āne eo. Im re ilok bwe ren lo men eo emōj kōmanmane.

Piik ko raar maļoņ, ak tiṃon ro raar jab maļoņ kōnke ejjeļok ānbwinnier. Jisōs ear jab kijer in jilkinļok tiṃon rein ṅan jikin eņtaan eo. Ear kōtļok er bwe ren etal ṅan piik ko. Bōtab, ewor juon iien ṅe Anij enaaj kajeik aolep tiṃon.

8. Juon emṃaan e anemkwōj.



Mark 5:15 Im rej itok ṅan ippān Jisōs im lo eo tiṃon e kar mok ṅa ānbwinnen im “lijiōn” e kar ippān, im ej jijet, im ewor nuknuk ko an, im e jako an wūdeakeak, im rej lōļņoņ.

Jisōs ear kōtļok leo jān kajoor an Setan im tiṃon ro an. Ear anemkwōj kiiō. Ear jab aikuj in pokake tiṃon ro. Kiiō, ear pād iuṃwin Anij.

9. Jet armej re jab mālōtlōt.

*** Armej rej aikuj tōmak bwe ren kabuñbūruon Anij im bōk ļomṃor.**



Mark 5:16,17 Im ro raar loe rej kōnnaanōk er kōjkan leo tiṃon e kar mok ṅa ānbwinnen im kōn piik ko. Im rej jino aer akweļap ṅan E, bwe En ilok jān āne eo āneir.

Jisōs, Nejin Anij, ear itok bwe En katakin armej rein. Bōtab raar jab kōṅaan bwe En pād wōt. Eļap aer ļomṃak kōn piik ko jān aer jeļā mool im anemkwōj jān jerōwiwi. Meņe raar jab tiṃonṃon, raar iuṃwin kajoor an Setan kōnke raar ļotak ilo jerōwiwi, im jerōwiwi ko aer raar kōjepel er jān Anij.

Āindein elōņ armej ilo raan kein. Eļap aer ļomṃak kōn men ko ilo laļ in jān men ko an Anij. E jab itok limoeir in katak Naan in Anij, im re jab kanooj ļomṃak kōn ta eo enaaj waļok ṅan er ṅe re mej. Ņe je mej, je jab maroņ bōkļok ipped ļok jabdewōt men jān laļ in.

10. Leo ear kōṅaan kwaļok kōn Jisōs.



Mark 5:18-20 Im ke Ej uwe ioon wa, eo tiṃon e kar mok ṅa ānbwinnen, ej akweļap ṅan E bwe en pād Ippān. [19] Im Jisōs ej bōbrae e, im E ba ṅan e, “Kwōn ilok ṅan ṃweo imōṃ ippān ro nukun im kōnnaanōk er men ko reļap an Irooj kōṃṃan ṅan eok, im kōjkan An tūriamokake eok.” [20] Im ej ilok im kabuñbuñļok i Dekapolis men ko reļap Jisōs ear kōṃṃan ṅan e, im er otemjej re bwilōņ.

Ļomṃak kōn ļein. Kar mokta ear awiia im koleiat. Ear jab maroņ jokwe ilo ṃweo imōn ippān baamle eo an, im ear jab maroņ in jermal. Ak kiiō, e oktak ļein, im ear jijet, im elōņ an nuknuk, im ear jeļā ļomṃak im katak im kōṃṃao ippān armej.

Juon men e kanooj emṃan ear waļok ṅan e, im ear kōṅaan kwaļoki ṅan aolep. Jisōs ear ba bwe en etal im ba ṅan ro nukun men ko raar waļok. Renaaj lo oktak eo eļap ilo mour an leo. Ejjeļok juon men e pen ṅan Anij. Joņan An kajoor ilo kar iien eo ej joņan An kajoor rainin. E maroņ kanemkwōj kōj jān kajoor an jerōwiwi im jān mej indeeo.



Jon 8:36 Innām eļañņe Nejin enaaj kōmanman anemkwōjami, koņ naaj anemkwōjami wōt.

Kajjitōk ko

1. Ewi juon melele eļap im jej loe ilo Kallimur Mokta?
2. Ewi bar juon melele eļap im jej loe ilo Kallimur Mokta?
3. Melele kein ruo rej katakin kōj ta kōn lōmoņor?
4. Ewi men eo im ri kaļooran Jisōs raar bane?
5. Raar ke bōk anjō ioon kōto im lojet kōn aer kate er?
6. Juon armej e maroņ ke anjō ioon jerōwiwi im wānōk kōn an kate e jermal ñan Anij?
7. Jisōs ear kōmman ta ilo iien an ļap kōto?
8. Etke Jisōs wōt ear maroņ in kauwe kōto im lojet?
10. Ro rū jelōk raar jipaņ Jisōs kalur kōto im lojet ke?
11. Eļañņe kwōj tōmak bwe kwōnaaj mour indeeo ñe kwōj niknik im tiljek ñan jemļoken, innām ejiņwe aņ tōmak ke?
12. Jisōs wōt e maroņ kawānōk kōj im lōmoņoren kōj ñan indeeo. Mool ke Riab?
13. Leo me ear tiņonmon ear maroņ in make kōtlōk e jān kajoor an tiņon ro ke?
14. Ewor ke an jabdewōt armej maroņ in kōtlōk e jān kajoor an jerōwiwi in Setan?
15. Ewi wāween bwe jen anemkwōj jān jerōwiwi im Setan im mej indeeo?
16. Wōn ear ukōt mour an leo e tiņonmon?